

海鹽縣志

海鹽縣志卷十五

人物傳一

漢

陸康字季甯祖父續父褒有志操康少仕郡以義烈稱舉
茂才除高成令舊令戶一人具弓弩以備不虞長吏新
到輒發民繕修城郭康至皆罷遣以恩信為治寇盜亦
息遷武林太守轉桂陽樂安二郡時靈帝欲鑄銅人國
用不足乃調民田畝斂十錢而比水旱傷稼百姓貧苦
康上疏諫免歸田里復徵拜議郎會廬江賊黃穰等攻
沒四縣拜廬江太守康申明賞罰擊破穰黨獻帝即位

海鹽縣志

卷十五

人物傳

一

天下大亂康蒙險遣孝廉計吏奉貢朝廷詔書策勞加
忠義將軍時袁術屯兵壽春遣使求委輸兵甲康以其
叛逆閉門不通術遣孫策攻康圍城數重康固守受敵

二年城陷發病卒朝廷愍其守節拜子儁為郎中

伊府志云

圖經用姚士粦陸顧世譜載康以下譜系甚詳蓋陸氏
世居長谷即華亭谷在海鹽縣東北二百里見吳地記
及寰宇記天寶十載始割海鹽北境立華亭縣則當未
割之前陸氏應歸鹽邑無疑第其敘次兩家以宗派類
聚今一以時

代為次序

徐泰志曰陸道瞻吳地記海鹽東北二百里長谷陸遜
陸凱居之谷東二里崑山父祖葬焉則陸氏固海鹽人
也海鹽舊屬吳郡人物產是鄉者前史但曰吳人
故後志吳郡者悉收入而海鹽乃遺之勿攷故也

三國吳

顧雍字元歎從蔡伯喈學琴書州郡表薦爲合肥長後轉任婁曲阿上虞皆有治迹孫權領會稽郡以雍爲丞行太守事入爲左司馬權爲吳王累大理奉常領尙書令封陽遂鄉侯進封醴陵侯代孫邵爲丞相平尙書事其所選用文武將吏各隨能所任時訪逮民間及政職所宜輒密以聞卒諡肅侯長子邵早卒次子裕有篤疾少子濟嗣無後以裕襲

顧徽字子歎雍母弟孫權聞徽有才辨召署主簿轉東曹掾或傳曹公欲東拜徽輔義都尉到北與曹公相見公具問境內消息厚待遣還拜巴東太守卒子裕字季則

海鹽縣志

卷十五

人物傳

二

少知名位至鎮東將軍

伊府志云顧雍次子裕而徽子亦名裕此係同祖弟兄必非同

名當有一誤

顧悌字子通雍族人以孝悌廉正聞於鄉黨年十五爲郡吏除郎中稍遷偏將軍權末年嫡庶不分悌數陳禍福言辭切直朝廷憚之待妻有禮常夜入晨出希見其面嘗病篤妻出省之悌命左右扶起冠幘加襲起對趨令妻還其自潔不瀆如此悌父向歷四縣令年老致仕悌每得父書常灑掃整衣服更設几筵舒書其上拜跪讀之父終飲漿不入口者五日服未闋而卒四子彥禮謙秘秘晉交州刺史秘子眾尙書僕射

陸績字公紀康少子博學多識星麻算數無不該覽孫權
辟爲奏曹掾出爲鬱林太守加偏將軍績雖有軍事著
述不廢作渾天圖註易釋元皆傳於世年三十二卒長
子宏會稽南部都尉次子獻長水校尉

陸遜字伯言康從孫仕孫權幕府歷東西曹令史海昌屯
田都尉領縣事縣連年亢旱遜開倉賑貧勸督農桑百
姓蒙賴會稽山賊歷年不禽遜討治深險所向皆服爲
右都督呂蒙稱疾詣建業權問誰可代者蒙對遜可大
任乃拜撫邊將軍封華亭侯進封婁侯以破張南馮習
功拜輔國將軍領荊州牧改封江陵侯拜上大將軍右
海鹽縣志

卷十五 人物傳

都護代顧雍爲丞相年六十三卒長子延早夭次子抗
襲孫休時追謚遜曰昭侯

顧邵字孝則與舅陸績齊名權妻以策女起家爲豫章太
守下車祀先賢徐孺子墓優待其後禁淫祀非禮之祭
小吏資質佳者令就學擇其先進擢置右職風化大行
在郡五年卒官子譚承譚字子默弱冠與諸葛恪等爲
太子四友從中庶子轉輔正都尉赤烏中代恪爲左節
度每省簿書未嘗下籌屈指心計盡發疑謬祖父雍卒
數月拜太常代雍平尙書事是時魯王霸有盛寵與太
子和齊衡譚上疏諫霸與全琮子寄構譚坐徙交州著

新言二十篇卒於交趾承字子直嘉禾中與舅陸瑁俱以禮徵芍陂之役拜奮威將軍與譚俱徙交州卒

陸抗字幼節年二十拜建武校尉遷立節中郎將與諸葛恪換屯柴桑拜奮威將軍爲柴桑督破魏軍歷遷征北將軍鎮軍將軍都督信陵西陵彝道樂鄉公安諸軍事時都下政令多闕疏陳時宜十七條西陵督步闡據城以叛抗討誅之加拜都護晉大司馬荊州牧疾病上疏曰西陵國之西門雖云易守亦復易失若有不守非但失一郡荊州非吳有也乞以西方爲屬遂卒子晏嗣晏及弟景元機雲分領抗兵晏爲裨將軍景以尙公主拜

海鹽縣志

卷十五

人物傳

四

騎都尉封毘陵侯旣領抗兵拜偏將軍中夏督晏爲王濬別將所殺景亦遇害元早天諡貞獻處士

陸凱字敬風遜族子由縣長歷除儋耳太守誅朱厓有功遷建武校尉累遷征北將軍假節領豫州牧封嘉興侯遷左丞相孫皓時徙都武昌政事多謬黎元窮匱上疏極論君暴臣諂政謬民窮之故表疏皆指事不飾忠懇內發疾病皓遣中書令董朝問所欲言凱陳何定不宜委國事奚熙小吏建起浦里田欲復嚴密故迹亦不可聽姚信樓元賀邵張悌郭連薛瑩滕修及族弟喜抗皆社稷禎幹國家良輔願重留神遂卒弟允子禕

陸允字敬宗爲御史尙書選曹郎太子和聞其名待以殊禮會全寄楊竺等阿附魯王陰相譖搆允坐收下獄後爲衡陽督軍都尉交阯九真夷攻沒城邑以允爲交州刺史安南校尉允喻以恩信高涼渠帥黃吳等皆出降加安南將軍復討蒼梧建陵賊破之徵爲西陵督封都亭侯卒子式嗣爲柴桑督揚武將軍與從兄禕俱徙建安召還建業復將軍侯

陸瑄字子璋遜弟好學篤義同郡徐原爰居會稽素不相識臨死遺書託孤瑄爲起立墳墓收導其子從父績早亡一男一女皆數歲瑄攝養至長州郡辟舉皆不就徵

海鹽縣志

卷十五

人物傳

五

拜議郎選曹尙書子喜亦涉文籍好人倫爲選曹尙書陸禕字元容初爲黃門侍郎出領部曲拜偏將軍封海鹽侯凱亡後入爲太子中庶子右國史華覈表薦禕體質方剛器幹強固董率之才魯肅不過夏口賊之衝要宜選名將以鎮戍之臣以爲莫善於禕初皓嘗銜凱忤旨後竟徙凱家於建安

晉

陸機字士衡少有異才領父兵爲衙門將年二十而吳滅退居勤學太康末與弟雲入洛張華曰伐吳之役利獲二俊太傅楊駿辟爲祭酒累遷太子洗馬趙王倫輔政

引爲相國參軍預誅賈謐功賜爵關中侯成都王穎起兵討長沙王又假機後將軍河北大都督被宦者孟玖等所譖穎使孫秀收機機神色自若機死非其罪刑時昏霧大風平地尺雪人以為陸氏之寃機天才俊逸辭藻宏嚴所著文三百餘篇

陸雲字士龍六歲能文與兄機齊名號二陸年十六入洛刺史周浚召爲從事曰陸士龍今之顏子也補浚儀令有異政成都王穎表爲清河內史轉大將軍右司馬與機同遇害所著文三百四十九篇新書十篇雲弟耽爲東平祭酒有清譽亦同遇害

海鹽縣志

卷十五

人物傳

六

顧榮字彥先祖雍吳丞相父穆

張勃吳錄曰穆裕一名穆

宜都太守榮

與陸機兄弟同入洛號爲三俊歷尚書郎廷尉正以討葛旟功封嘉興伯世亂還吳屬廣陵相陳敏反周圯與榮及甘卓紀瞻起兵攻敏發橋斂舟於南岸敏不獲濟榮麾以羽扇其眾潰散事平還吳元帝鎮江東以榮爲散騎常侍時上幾諫皆納之卒贈侍中驃騎將軍開府儀同三司謚曰元追封公子毗嗣官至散騎侍郎

陸暕字士光瑄孫父英散騎常侍暕少有雅望居喪以孝聞後察孝廉除縣令不就元帝初鎮江左辟爲祭酒預討華軼功封平望亭侯拜侍中爲領軍將軍以平錢鳳

功進爵江陵伯與王導卜壺庾亮溫嶠郗鑒並受顧命成帝踐阼拜左光祿大夫開府儀同三司蘇峻之難隨帝在石頭峻以暋吳士之望不敢加害峻平進爵爲公卒贈侍中車騎大將軍謚穆子謚散騎常侍叔新康子陸玩字士瑤器量淹雅弱冠有美名郡檄紀綱東海王越辟爲掾皆不就元帝引爲丞相參軍蘇峻反遣玩與兄暋俱守宮城玩潛說匡術歸順以功封興平伯遷侍中司空玩翼亮累世常以宏重爲人主所貴誘納後進謙若布衣搢紳之徒莫不廕其德宇薨謚曰康子始嗣歷侍中尙書

海鹽縣志

卷十

人物傳

七

陸納字祖言清操絕俗爲吳興太守徵拜左民尙書領州大中正將應召外白宜裝幾船納曰私奴裝糧食來無所復須臨發止襪被而已其餘並封以還官俄拜尙書令納恪勤貞固始終不渝除開府儀同三司未拜而卒卽以爲贈子長生先卒無子以弟子道隆嗣元熙中爲廷尉

顧和字君孝侍中眾族子曾祖容吳荊州刺史祖相臨海太守和總角有清操王導爲揚州辟從事導遣入部從事之部和爲下傳還諸從事各言二千石官長得失和獨無言導問之答曰明公作輔甯使網漏吞舟何緣悉

聽風聞以察察為政導善之厯拜御史中丞劾奏尚書左丞戴抗賊汚付法議罪并免尚書傅玩郎劉傭官百僚憚之居母喪以孝聞和居任多所獻納不苟阿撓卒贈侍中司空諡曰穆子洎厯左衛將軍

干寶字令升少勤學博覽召為著作郎平杜弼有功賜爵關中侯內興草創未置史官中書監王導上疏以寶領國史著晉紀二十卷直而能婉稱良史焉厯始安太守散騎常侍所著別見寶兄慶長甯縣令梁有干朴干元顯並寶之裔朴散騎常侍元顯中書舍人

胡震亨曰按史寶新蔡人一統志寶自新蔡徙嘉興父瑩葬海鹽五行記載寶為海鹽人則南渡徙居實自瑩始寶固海鹽

海鹽縣志

卷十五

人物傳

八

人無疑也泰所援引如此今再考釋道宣續高僧慧因傳內附載寶後裔名秩甚詳並繫籍海鹽此唐人所撰去古不遠尤寶為鹽人之確證可補徐志所未備云

齊

陸慧曉字叔明曾祖納祖萬載侍中父子真元嘉中為海陵太守慧曉初應州郡辟舉秀才衛尉史厯諸府行參軍厯遷吏部郎尚書令吏曹都令史厯政以來諮執選事慧曉任已獨行未嘗與語帝遣左右單景雋以事誚問慧曉曰六十之年不能諮都令史為吏部郎也出為南兗州刺史卒贈太常

梁

陸倕字佐公父慧曉倕少勤學善屬文於宅內起兩間茅屋晝夜讀書嘗借人漢書失五行志四卷乃暗寫還之舉秀才竟陵王子良開西邸延英俊倕亦與焉天監初爲右軍安成王外兵參軍遷驃騎臨川王東曹掾是時禮樂制度多所創革高祖雅愛倕才選太子中舍人管東宮書記歷太常卿卒文集二十卷行於世第四子纘早慧十歲通經爲童子奉車郎卒

以上見伊府志

陳

顧野王字希馮祖子喬梁東中郎武陵王府參軍事父烜臨賀王記室兼五官掾野王幼好學嘗製日賦領軍朱

海鹽縣志

卷十五

人物傳

九

異見而奇之年十二隨父之建安撰建安地記二篇長而徧觀經史天文地理著龜占候蟲篆奇字無所不通梁大同中爲臨賀王記室宣城王爲揚州刺史侯景之亂野王丁父憂歸本郡乃召募鄉黨數百人隨義軍援京邑野王體素清羸居喪過毀殆不勝衣及杖戈被甲陳君臣之義順逆之理抗辭作色見者壯之侯景平太尉王僧辨深嘉之使監海鹽縣天嘉初補撰史學士除太子率更令尋掌國史知梁史事遷黃門侍郎光祿卿知五禮事卒贈右衛將軍野王篤學至性厲精力行皆人所莫及第三弟充國早卒野王撫養孤幼恩義甚厚

所撰玉篇輿地志符瑞圖顧氏譜傳分野樞要續洞冥
記玄象表及文集二十卷並行於時子安饒仕至鴻臚
卿見伊府志參圖經案吳地記野王墳在橫山東平陸
地遺言不起墳又野王撰御覽三百六十卷宮人各
念一卷常隨駕行內人謂之著腳御覽○圖經
野王故宅今爲寶林寺在舊屬縣境

隋

陸士季凱之後也父慶通直散騎侍郎士季初從同郡顧
野王學仕陳桂陽王府左常侍入隋爲越王侗記室侗
稱制擢著作郎王世充將篡逆侗謂士季曰隋有天下
三十年朝果無忠臣乎士季對曰見危授命臣宿志也
請因啟事爲陛下殺之謀洩不克貞觀初爲太學博士

海鹽縣志

卷十五

人物傳

十

兼宏文館學士

唐

陸元感字達禮父梁學士謀道善班固漢書元感傳其學
歷建安歷陽縣令咸有善政加朝散大夫護軍行黃州
司馬卒葬崑山子南金趙璧開元初少卿盧崇道抵罪
徙嶺南逃還稱南金弔客突入其室金匿之事覺詔御
史捕按金當坐法璧言匿崇道者我也請死金固言弟
自誣不實御史上狀並宥之南金操履謹飭令鄞築堤
爲湖田千頃民爲立祠官至太子洗馬

以上見伊府志
○徐泰志曰松

江志陸氏世居華亭納後知名士尚多然安知無散
處他方者耶元感葬崑山時尙未析華亭故志之

顧況字逋翁至德二載進士志向疎逸頗好恢諧與柳渾
李泌爲方外友德宗時渾輔政以秘書郎召及泌爲相
稍遷著作郎白居易初舉未振以詩謁況況謔之曰長
安百物貴居大不易及讀至原上草詩野火燒不盡春
風吹又生歎曰有句如此居亦何難老夫前言戲之耳
因爲延譽聲名大振後竟坐詩語調謔貶饒州司戶參
軍況文詞之外兼工小筆嘗求知新亭鹽監人或詰之
況曰余要貌海中山耳仍辟畫者王默爲副任半年解
綬去況家橫山劉長卿攝縣有過橫山顧山人詩後結
廬茅山號華陽真逸年九十卒有集二十卷皇甫湜爲

海鹽縣志

卷十五

人物傳

十一

序嘗曰白吾爲顧況集序未嘗許人也又有畫評一卷

載通志藝文略

皇甫湜撰顧況集序曰吳中山泉氣狀
英淑怪麗太湖異石洞庭朱實華亭清

唳與虎邱天竺諸佛寺鉤綿秀絕君出其中間翕輕清
以爲性結冷汰以爲質照鮮容以爲詞偏於逸歌長句
駿發踔厲往往若穿天心出月脇意外驚人語非尋常
所能及最爲快也李白杜甫已死非君將誰與哉君以
文入仕其爲人類其詞章嘗從韓晉公於江南爲判官
驟成其磊落續入佐著作不能慕順爲眾排爲江南郡
丞累歲脫縻無復北意起屋於茅山意飄然將續占三
仙以壽卒湜以童子見君揚州孝感寺君被黃衫白絹
鞞頭眸子瞭然炯炯清立望之真白圭振鷺也旣接歡
然以我爲揚雄孟軻顧恨不及見三十年於茲矣知音
之厚曷嘗忘諸去年從丞相棟公襄陽有曰顧非熊生
者在門詠之即君之子也出君之詩集二十卷位請余
發之涼公適移蒞宣武軍余裝歸洛陽諾而未副今又
稔矣生來速文乃題其集之首爲顧况撰尚書工部郎
分司東都留守判官睦州皇甫湜持正序○况憶橫山
故居詩家在雙峰蘭若邊一聲秋磬發孤烟山連極浦

鳥飛盡月上青林人未眠。又况有從兄名耆者况嘗有詩哭之云共居雲陽里轍軻多別離知顧族徙宅句曲不獨逋翁矣

顧非熊况之子一覽成誦好辯說氣燄凌轍為眾所抑久不第然名在朝野長慶中諫大夫陳商放榜復下第穆宗怪無非熊名詔有司進所試卷覽之稱旨追榜敕賜及第時劉得仁賀之以詩曰愚為童稚時已解念君詩及得高科晚須逢聖主知非熊累佐使府大中間歷盱眙尉慕父風棄官亦隱茅山以上見圖經。非熊重生事見雜識。賈島寄非熊詩云知君歸有處山水亦難齊猶去瀟湘遠不聞猿狖嘯穴通茅嶺下潮滿石城西獨立生遙思秋原日漸低顧情況從兄大厯初新羅王憲英死詔倉部郎中歸崇敬

海鹽縣志

卷十五

人物傳

三

往弔監察御史陸珽顧愔為副愔采其國之人物風土

作新羅國記一卷見伊府志

五代吳越

高彥仕吳越武肅王初與同縣沈夏受王密旨謀誅徐及其首歸王遂蒙信用前後從征悉有功效以為海昌鎮將會湖州刺史李繼徽棄郡奔淮南王巡湖州屬意於彥欲委彥牧守忽題詩嬰蘭堂壁云須將一片地付與有心人及去語彥曰我以此州付汝矣汝宜善撫之彥性醇厚居湖十一載為政尙簡人頗便之奏領費州刺史檢校司空卒於州

高渭彥之子初從彥在湖武肅王巡衣錦城有徐綰之亂
焚掠郛郭將及內城彥聞變遣渭赴難渭言今日不利
彥曰赴難之急何以吉辰亟促渭行渭不敢抗遂率所
部徑趨靈隱山而來竟爲賊伏兵所害後淮人檻送綰
歸王命剖心祭渭

以上見
圖經

屠瓌智一作環字寶光世居澈浦青山母顧夢抱璧有光而
生故名瓌智少負勇略更善屬文唐時累舉不第武肅
王起鄉兵拒黃巢與幕府籌畫以謀誅董昌功授指揮
使乾甯四年同顧全武白海道救嘉興生擒南唐將楊
勝等二十人又討平衢州刺史陳岌積功領常州刺史

海鹽縣志

卷十五

人物傳

三

越州都指揮使三年調守湖州徐綰內叛刺史高彥遣
子渭與瓌智赴援直抵靈隱山賊圍數重兩人搏戰身
被百創瓌智奮力一呼手搏數賊以援絕與渭同遇害
武肅王閱其忠命以衣冠招魂而葬天寶五年贈武康
節度使銀青光祿大夫檢校尚書右僕射開府儀同三
司子龍驤澈水鎮遏使昱節度使晟湖州判官

朱行先字蘊之燕頷虎頭猿臂善射時人稱曰小由基起
家建甯都將事高彥屢立戰功武肅王擢爲節度左押
牙親衛都指揮使及彥子灋敗率眾自歸賜協力觀王
功臣再加佐正匡國功臣晉秩檢校尚書右僕射尋爲

靜海鎮遇使在鎮恩威並行甚著聲譽凡十有五年卒於官贈銀青光祿大夫上柱國弟行存行勤行忠子從訓智紹不仕元晟元杲俱節度正散將元昇節度下將元寶元勝元贊凡八人

宋

郭三益字慎求父琢治平初進士三益登元祐三年進士爲常熟丞時常平使者調蘇湖常秀四州人濬青龍江分地程役三益所部前期告辦使者留其人使助他邑三益竟引歸使者怒檄追甚急其母周曰役連數郡其分地程役廩食皆已上聞今吾先畢何名復役之使者

海鹽縣志

卷十五

人物傳

古

行且悔矣然汝不可無會第無以所部從也三益如教使者果檄止丞勿來累官試刑部尙書同知樞密院事

圖經云三益有子曰置生女適雲間葉氏早寡因誓節爲尼名正覺居法雲寺能詩有一絕云春朝湖上風兼雨世事如花落又開退省閉門真樂處閒雲終日去還來後人石刻以銀填之樹於覺骨塔前事見舊松江志

史徽字洵美第進士累遷太常博士時享太廟以宦官押祭徽建議罷之知青田明敏果斷教民陶瓦覆屋以免火患建炎初爲司農卿扈駕至平江遇害贈右文殿修撰

沈清臣字正卿爲國子學錄宰相惡沈介乃以清臣奔競下大理風使引介不許謫封州晚始召用勸孝宗力行

三年喪為嘉邸翊善以直諒稱初從張無垢學以聖賢自命與其徒問答語下不契輒使再參或譏為禪學云

著有晦巖集十二卷以上見伊府志

魯嘗字季欽兄詹崇甯五年進士朝散郎提舉兩浙市舶

嘗同弟嘗舉紹興五年進士官大府卿言支移折變事

甚悉利弊詔可其奏嘗嘗取杜工部集考其年編次而

箋釋之為十八卷世所傳魯冷齋杜詩定本是也詹子

可封進士烏程令嘗子可宗進士中博學宏詞科太常

卿嘗子可簡可簡子开珏及從子藝璵璠並舉進士世

其家見圖經○嘗編次杜詩序曰騷人雅士同知祖尚少陵同欲模楷聲韻同苦其意律深嚴難讀也余

海鹽縣志 卷十五 人物傳 五

謂少陵杜公初不事艱澀左隱以病人其平易處有賤夫老婦所可道者至其深純宏妙千古不可追跡則序事穩實立意渾大過物寫難狀之景舒情出不說之意借古約確感時深遠若江海浩濶風雲蕩汨蛟龍龜鼉出沒其間而變化莫測風澄雲霽象緯回薄錯峙偉麗川夷險風物明晦公之所寓舒局皆可概見如陪公杖履而遊四方數百年間猶對面語何患於難讀耶名公鉅儒譜敘註釋是不一家用意率過異說如端余因舊集略加編次古詩近體一其先後摘諸家之善有攷於當時事實及地里歲月與古語之的然者聊註其下若其意律乃詩之六經神會意得隨人所到不敢易而言之敘次既倫讀之者如親履艱棘虎狼之慘為可驚愕日見當時賦庶被剗轉塗炭為可憫因感公之流徙始而適中而瘁卒至於為少年輩侮忽以訖於死為可傷也已○胡震亨曰姚桐壽云杜少陵集自游龍門至過洞庭詩目次第為此州先正魯季欽編定大都一循少陵生平行迹可以見其詩法升降隨其年自少而壯而老愈入於細而化也註腳多所補益極為後學借資第音切類多吳音其他註釋如鐵馬汗常趨空同小麥

熟林間踏鳳毛天關象緯逼江月滿江城赤驥頓長纓
及山東李白之類不免可議云云今攷宋蔡夢弼少陵
草堂詩箋所援引歐陽永叔宋子京王介甫王原叔諸
家本不啻數十然一以冷齋所編作詩歲月先後爲定
本則冷齋之有功於杜集當與裴之註三國郭之註南
華並垂不朽者區區小誤烏足病之哉○姚士粦曰按
魯氏世居富湖登甲榜者前後十八人又有名節似與
并珏行列不知誰出紹興中官鹽官令有救荒療疫全
功活

魯文謐字子慎甲戌策第調丹徒尉薦陞司理文謐性闇
爽嗜書史任事必究端緒不爲矯伉不事投合在高郵
理獄梳剔淹滯犴獄空虛及攝丞幕府適山陽流民蟻
聚文謐贊其長極意撫安咸使得所卒於官平生好義
樂施置義莊義塾弟文博姪鐸皆能以其教顯焉見伊府志

海鹽縣志

卷十五

人物傳

六

趙汝能字公舉太宗之系紹興末以宗室舉進士知海陵

歲歉民嘯聚爲亂人情洶洶汝能曰是非巡尉可辦卽

部勒士兵設方略擒捕百餘人其黨潰散歸罪渠魁餘

悉末滅倖舒斬諸司多以滯訟委之剖析平允知鬱林

州興學教士士風丕變郡曩爲巨寇根穴掠數州金寶

聚焉官軍迫盡藏之沼僚吏或獻發沼之策公笑曰鍾

離意以爲何如調守全州適上祝釐之請歷淞西沿海

議幕壽八十官朝請大夫汝能清心寡慾甘粗糲若寒

士蒞官廉平遇事剛決有仁者之勇

見圖經○徐泰曰徐一夔崇德趙氏

世譜序汝能贅居崇德占籍故崇德志之一統志因收爲崇德人然常澹孫本縣進士題名記汝能在三十九